

EVERY CASUALTY COUNTS



Larai yato hadesat zohomi ode yato
morede mainshor sarang goribar thik
goijja torika okkol: Baith'tha kulasa

Butore asede shiz okkol

Larai yato hadesat zohomi ode yato morede mainshor sarang goribar thik goijja torika okkol: Baith'tha kulasa	2
Larai yato hadesat zohomi ode yato morede mainshor sarang gorar niyom okkol	3
1. Nuksani no gora	3
2. Butore baare buzi fara	3
3. Dhoilla-bodhoilla beggunore shamel gora	3
4. Hamisha ekdhoilla taka	3
5. Zimmadari	4
Larai yato hadesat zohomi ode yato morede mainshor sarang goroiya okkololla maalamat ekkath'tha goribar bunyadi moksod	5
Larai yato hadesat zohomi ode yato morede mainshor sarang goribar thik goijja torika okkol	7
1. Hamgoredde NGO'r babute Butore baare buza	7
2. Torika	7
3. Torjuma ar Kisim kisim gora	8
4. Hefazot	9
5. Larai yato hadesat zohomi ode yato morede mainshor Sarang Bair gora	10

Larai yato hadesat zohomi ode yato morede mainshor sarang goribar thik goijja torika okkol: Baith'tha kulasa

Torika okkolor dhokumen yan oilde *Standards for Casualty Recording* yani Larai yato hadesat zohomi ode yato morede mainshor sarang gorar baith'tha, buzite asan ode ar lot fa zade hendhilla ekkar kulasa. Furussat dhokumen yan faiba www.everycasualty.org maze.

Larai yato hadesat zohomi ode yato morede mainshor sarang gorar torika hinore torki goijje Every Casualty Counts edde Casualty Recorders Network e larai yato hadesat zohomi ode yato morede mainshor sarang gorar hamor estemal morede mainshe shundor gori gorifaribolla, ettefakor saate takare zur dibolla ar hinore mainshe beshi beshi goribolla. Hinore zehono ham goribar niyom isabe estemal goribolla no. Balke, Torika okkol inor moksod oilde larai yato hadesat zohomi ode yato morede mainshor sarang goroyiya okkolor hitarar ham zin ase hinot gom gori ham gorobar zoruri usul ar hinore hitarar hamot kengori estemal gori faribo hinore bafa sinta goribar himmot dibolla.

Larai yato hadesat zohomi ode yato morede mainshor sarang goroyiya okkolore modot gora badeyo, torika in banaibor moksod oilde larai yato hadesat morede mainshor maalamat estemal goitte edde shiyar goitte asan goron. Torika hine larai yato hadesat morede mainshor maalamat estemal goroyiare hinor moksudor ar antas gori faribar ekkar hot de ziyar zoriya hitara faisala gori faribo maalamat dede dhoilla-bodhoilla manush yato maalamat fa zade shiz okkole boyan goijjede larai yato hadesat morede mainshor maalamat estemal goribone ar goille kengori goribo.

Torika in dure-dure fo*se fan ar mainshe beshi estemal gorefan, baith'tha kulasa yanore bout zabanot maze torjuma gora giye ehon asede hitaralla edde samne aibode larai yato hadesat zohomi ode yato morede mainshor sarang goroyiya okkolla. Aro beshi gori zani faribolla meerbani gori Every Casualty loi zuhazuk goro.

Larai yato hadesat zohomi ode yato morede mainshor sarang gorar niyom okkol

Torika ginore torki goribash'shot fa*ssan asol niyom razi oyore raka giye. ERe zedun torika hoiye hin niyom inor duwara zanai diya giye, ar torika hinore zehono hamot maze dori raka foribo.

1. Nuksani no gora

Ziyata asede hitaralla ar hono nuksani no'ofan gora hiyan oilde larai yato hadesat zohomi ode yato morede mainshor sarang gorar en ekkan bunyadi niyom ziyar dhath'thori niyomottu aish'she, niyom hiyane baki saignan niyom asede hinore dhiya* zaigoit fare. Niyom hiyan larai yato hadesat zohomi ode yato morede mainshor sarang gorar fotti ekkan torikat haRe, maalamat ekkath'tha gorattu loti loiyare, hefazotir niyom oite maalamat bair gora fojjonto.

2. Butore baare buzi fara

Larai yato hadesat zohomi ode yato morede mainshor sarang goroiya okkolottu hitarar hamor fotti lainor babute udda loiyore, hitarar NGO'r hamor tour-torika, ham goroya okkololla, goba ar maalamat okkolor hefazotir niyom in beggunor babute mainshe butore baare buzi farede hendhilla wa foribo. Butore baare buzi faronor zoriya mainshottu maalamator uwore bish'shah bare, soyi gori torjuma gora za ar zora zora sek gori farefan bol aye.

3. Dhoilla-bodhoilla beggunore shamel gora

Larai yato hadesat zohomi ode yato morede mainshor sarang goroiya okkolottu siyasi lainot hameka honokiyolla no thani sola foribode hen no, mogor hitarattu hitarar hamor hudutor butore zedun gothona oiye ar zedun manush hadesat maze moijje hin beggunore sarangot maze shamel goribolla furafuri kushish gora foribo, fotti torfor mainsholla yato tonzimolla borabor ode hendhilla torjuma okkol estemal goriyore. Larai yato hadesat zohomi ode yato morede mainshor sarang goroiya okkole zodi hono maalamat shamel no goredde oile, kiyolla no goredde yanore saf gori hoi diya foribo. Hiyanor butore yano takit fare, mesal- Larai yato hadesat zohomi ode yato morede mainshor sarang goroiya okkolor siyasi edde koumi taallukat loi razi no ode mainshottu maalamat ekkath'tha gorar moshkil.

4. Hamisha ekdhoilla taka

Larai yato hadesat zohomi ode yato morede mainshor sarang'ore zehono thaimot ar zehono zagat buzi farefan gori milai saibolla, haas gori maalamat ekkath'tha gorat edde karwai gorat torika hamisha ekdhoilla taka hode hiyan beshi zoruri. Baaror halot mozin zettot torika bodole, hinore shundor gori kiyal gora foribo, ar dehai diya foribo, maalamator kuwalithi borabor takibode yan fakka goribolla.

5. Zimmarari

Larai yato hadesat zohomi ode yato morede mainshor sarang goroiya okkolottu hitarar ham loiyare asor oiyede hendhilla yato hamot shamel asede hendhilla manush, shiz, malumat dede manush ar maalumafazade shiz ar hitarar hamor manush uddua beggun loi zimmarir saate ham gora foribo. Zimmarari adai goredde hennan baattu saile buzi farede hendhilla owa foribo, hiyanor zoriya hitarare maalumafadoiya edde estemal goroiyar bish'shah baribo.

Larai yato hadesat zohomi ode yato morede mainshor sarang goroiya okkololla maalamat ekkath'tha goribar bunyadi moksod

Larai yato hadesat zohomi ode yato morede mainshor sarang goroiya okkole hitarar alok-alok project'or alok-alok moksod mozin ki ki maalamat ekkath'tha gora zoruri yan thik gori rake. Mogor, homaskom en hodun bunyadi maalamat ase zin fotti uggua Larai yato hadesat zohomi ode yato morede mainshor sarang goroiya okkolottu loi boilla furafuri kushish gora foribo. Hin oilde:

MAALUMAT EKKATH'THA GORIBAR BUNYADI MOKSOD OKKOL	
Thikana	Zeddur ase heddur kulasa sarang goron, mesal- shooror yato farar nam, yato zodi faille mepor fura GPS nombor.
Tarik / Thaim	Zeddur ase heddur kulasa sarang goron, hoifaille, tarik edde thaim udda.
Maalamat dede manush yato maalamat fa zade shiz	Maalamat dede manush yato maalamat fa zade shizor kisim okkolore bak gori-gori sarang goro, zen niki- hobor, hokumotor habos, mainshor dhaiyor boiyan, yato gobar boiyan. Maalamat dede manush yato maalamat fa zade shiz okkolore larai yato hadesat zohomi ode yato morede mainshor sarang'or maalamat okkol ziyantattu yato zentu fa giye yan loi milaiyore hefazot gori raka foribo. Shupai raka foribode hendhilla kessu maalamat fa zade shiz okkolore zen niki- gobar boiyanore hefazot gori raka foribo.
Larai yato hadesat zohomi ode yato morede mainshor gonti	Zettot hono ekkant hadesat maze fotti uggua manush mora giyede hitarare sinno faibar maalamat fa no za, zetun fujjonto aro kulasa maalamat hasel goijja no hetun, hadesat shikar oiyede hitarare toitta mata-gona sarang gori rako.
Nam	Shomazi rewaj mozin mainshor yato shizor nam dede hinor babute shundor gori zaniyare larait yato hadesat zohomi ode yato morede fotti uggua mainshor nam sarang gori rako. Zorurot odde oile uggua mainshor dhoila bodhoilla nam diya zafan fakka goriba (mesal, dhak nam yato kitafi nam).
Bosh	Hadesat shikar oiyede fotti uggua mainshor zormo tarik, yato hiba mori giyoide ar azi giyoide tarik hiba sarang gori rako. Zodi maalamat in fa no za, hadesar shikar oiyede manushgua gurafua ne do*r manush hiyan shundor gori buzi fare fan gori sarang gora foribo. Aro kisim okkol oilde

	zen niki gurafuain, ledafuain, noroinna fuain yato bura manush ne sirial mozin gori leki za foribo.
Maya/morot	Ze*tte fare he*tte manushgwa mayafua ne morotfua leko.
Moutor kulasa okkol	Maalumat yanore kisimor-kisimor torika loi bak gora za, mesal: a*tiyaror zoriya mout oiye ne, biyaramor zoriya mout oiyene yato hadesar fura boiyan.
Zara-zara hadesat shamel aish'shil	Hadesat maze shamel aish'shil boli hoiyare zana gilde hendhilla tonzim yato manush huddua loiyare mara-marit ash'shil de dhai zetara mara-mari hiyanor elzam loiyede hitarare sarang gora foribo.

Larai yato hadesat zohomi ode yato morede mainshor sarang goribar thik goijja torika okkol

1. Hamgoredde NGO'r babute Butore baare buza

Larai yato hadesat zohomi ode yato morede mainshor sarang goroyattu hamisha nisor in gora foribo:

- Hitarar ham edde kiyolla sarang gora foredde hinor babute butore baare buza zafan on.
- Hitarar hamor torikar babute butore baare buza zade hendhill ar zefa te lot fafan malumat okkol diya foribo.

Larai yato hadesat zohomi ode yato morede mainshor sarang goroya okkolottu nisor in goribolla kushish gora foribo:

- siyasoti yato oinnainno mamelar mutallek maalumat don zinor zoriya dhoilla-bodhoilla maalumat sarang goronor hitarar wada ziyar ase yanore unnush-bish gorit fare.
- hitarar NGO'r hamore butore baare buza za fan goron ar fotti shiyaddar ham goroiya okkole lot fa fan goron.
- thiya* doya okkolor babote maalumator butore baare buza za fan goron ar beggune lot fa fan goron.

2. Torika

Larai yato hadesat zohomi ode yato morede mainshor sarang goroya okkolottu hamisha nisor in gora foribo:

- sobutor vidhiu ar gobar boyan loi ham goribolla hitarattu shundor torika ta foribo.
- maalumat okkol karuwayi goribolla hamisha ekkudhoilla ar niyomor uwore gom gori banaiya ekan torika hitarattu ta foribo, ar torika yanot mainshe gom-horaf hoi faribar ar shuida-oshuidar o mouka ta foribo.
- hamisha thaima thaima hodun haas maalumator gura gura shiz okkol sarang gora foribo.
- Ekkath'tha gora giyede maalumat okkolore thik goribolla edde sek gori saibolla hitarattu ekan torika ta foribo.
- maalumat okkol dede manush yato maalumat fa zade shiz hinor butore no miledde oile yanore hol goribar hitarattu ekan torika ta foribo.
- ekkudhoilla maalumat dubara sarang no goribolla yato sarang goijjede oile hiyanore hol goribar hitarattu torika ta foribo.

Larai yato hadesat zohomi ode yato morede mainshor sarang goroya okkolottu nisor in goribolla kushish gora foribo:

- fotti ekkann maalamat sarang gorede hinolla zeddur fare heddur beshi beshi hono ba*da sara maalamat dede manush yato shizore estemal goron.
- hitara faibode behetor zanayo maalamat doya yato maalamat fa zade shiz okkolor takotor babote ar hinor hoddur limith ase hinor babote zani rakon.
- maalamat dede fotti ugga mainshore yato maalamat fa zade fotti ekkann jinishore hoddur borusa gora zaibo yanore nombor dibar ekkann torikar estemal goribolla bafa-sinta goron ar yan ze hono kiye dubara sek gori sai faron.
- hono mamelar babute diyede maalamat hin hom oileyo mamela yanor mutallek aro maalamat dit farede hendhilla hono maalamat doyare yato maalamat fa zade shizore baad no don.
- maalamator mutallek fotti ekkann dhokumenore so*li rakon.
- hitarar maalamat okkolor ba*da sara maalamat dede hendhilla beshi manush yato maalamat fa zade shiz loiyore thik goribolla niyot goron.
- hamisha ekkudhoilla gori maalamat okkol leke fan torika kayem goron.
- lekede maalamat hin beggunore thik gori farefan ar nuwa maalamat okkol shamel gori fare fan rasta rakon.
- hamore aasan goribolla ar mainshor goltire homai anibolla larai yato hadesat zohomi ode yato morede mainshor sarang gorede ham ganore beshi mainshore borat gori don.
- ekkann hadesare yato hono ugga mainshore fakka gori soiyi hoibar agey hinor mutallek sarang goredde mainshe ekzonor maalamatore arekzone sek gori saibolla bafa-sinta goron.

3. Torjuma ar Kisim kisim gora

Larai yato hadesat zohomi ode yato morede mainshor sarang goroya okkolottu hamisha nisor in gora foribo:

- hono maalamat shamel gori faronor ar batel gori faronor shundor ekkann torika raka foribo ziyanore khullungkala gori buzai diya giye.
- torjuma ar dhoilla-bodhoilla kisimor butottu zin zinor halot ar moksud mozin borabor ow hin basi lowa foribo.
- Larai yato hadesat zohomi ode yato morede mainshor sarang shuru goribar agey foilar shurut kessu maalamator puwain okkol, hinor kisim okkol ar torjuma thik gori raka foribo ar hinore sarang goribar hamot hamisha ekkudhoilla gori estemal gora foribo.

Larai yato hadesat zohomi ode yato morede mainshor sarang goroya okkolottu nisor in goribolla kushish gora foribo:

- ze*tte maalamat gin bish'shash sara yato toitta oibo he*tte hinore "bish'shash sara" yato "toitta" boli hoi sinno di rakibar ekkann rasta rakon.

- maalamat okkolore kombutharot bondubosto goribash'shot hinore kisim kisim gori bhag goribar hamgan bafa-sinta goron.
- sin-foriso sara lashor zeddur fare heddur kulasa maalamat okkol sarang goron.
- a*zi giyoide mainshor maalamat okkolore zoma goron ar hinor babote moshora goron kiyolla boli hoile sin-foriso sara larai yato hadesat zohomi ode yato morede mainshor baiggot taile maalamat hin loi milile milit fare.

4. Hefazot

Larai yato hadesat zohomi ode yato morede mainshor sarang goroya okkolottu hamisha nisor in gora foribo:

- zani raka foribo ki boli hoile hotara dhoilla-bodhoilla ow ar larai yato hadesat zohomi ode yato morede mainshore sarang goribar thaimot ze barot zendhilla hotara okkol oibo hin sinno gori raka foribo.
- goba okkolottu hitarar maalamat ze moksud okkololla estemal gora oibo hey moksud mozin hitarattu ejazot nama hasil gora foribo.
- lekiyore yato muke egrimen goriyore ham gorede manush hin beggun loi hitara loi hatil ki yan saaf gori buzai diya foribo, hota yan shupai raka foribo ar zorurot oile hono ugga haas mainshore zaher gora foribo.
- hamgoroya okkolore hefazot goribolla hefazotir ze bebossagin gora giye hin ham goroya beggunne zane fan, buze fan, hinot razi owfan ar hin lot fa fan fakka gora foribo.
- hitarar hamor manush okkololla hefazotir tourtorika banai diya foribo ar zorurot mozin hitarare thenning o diya foribo.
- hitarar hamor manush okkole dilor biaram gom goribar hoddur modotor shuzug faibo yan geranthi diya foribo.
- hitara maalamat okkol ekkath'tha goribar agey maalamat hin hefazot gori rakibar ekkam bebossa ar yanor hono moshkil oile dusara ekkam bebossayo bafi raka foribo.
- maalamat okkolor hefazotir kanun udda loiyore maalamat okkolor hefazotir babote boiyar goribash'shot kanuni, theknologi mutallek ar mainshor zoriya hono moshkil oile hinor zimma hitarattu lowa foribo.
- hamor oinnainno shiyaddar okkolore maalamat okkol shiyar goribash'sho maalamat hinore hefazot gori rakite ki ki zorurot ase hin shundor gori buzai diya foribo.
- maalamat okkol niyomor khelaf estemal oibar taile kengora zaibo yanor babote ekkam bebossa bafi raka foribo.
- maalamat okkol ekkath'tha goribolla ar rakibolla hitara ze shiz gin estemal gore hinloi hitarar maalamat okkolor hefazotir moksud asede yan fura oibo ne noibo gom gori forikka gori sa foribo.

Larai yato hadesat zohomi ode yato morede mainshor sarang goroya okkolottu nisor in goribolla kushish gora foribo:

- larai yato hadesat zohomi ode yato morede mainshore sarang gorede hamot hitara manush loyede hin hefazot ta fan hotarar babote lagatar sek gorat takon.
- hitara ekkath'tha gorede maalumat okkolor butore hon maalumat loi hondhilla hotara baza ase yan sek gori son.
- hitarattu zorurot de ar gom gori hefazot gori raki faribode sirif hendhilla maalumat okkol ekkath'tha goron.
- insaaniyoti modot doya ar insaaniyoti hokkor modot goroya okkol ze elakat ham gore hey elakar babote zani rakon, hitarar heRe goba okkolore zorurot mozin modotolla hitara fo*sai fare fan.
- zanibar zeddur zorurot hey mozin NGO'r butore shupai raka forede hendhilla maalumat okkolore hoyek dhoilla tobka gori lot fa fan mouka gori don.
- ham ekkan shesh oile ham hibar maalumat okkolore hitara kombutharot hefazot gori rakede hey zagat kengori rakibo yanor babute felan gori rakon.

5. Larai yato hadesat zohomi ode yato morede mainshor Sarang Bair gora

Larai yato hadesat zohomi ode yato morede mainshore sarang goroya okkolottu hamisha nisor in gora foribo:

- zodi yato ze*tte fosar oyede maalumat gin borabor thik gora no zade oile maalumat hinore fakka soyi boli thara foribode yan ishara gori diya foribo.

Larai yato hadesat zohomi ode yato morede mainshor sarang goroya okkolottu nisor in goribolla kushish gora foribo:

- ki ki maalumat okkol bair gora foribo yan faisala loibash'shot hitarar maalumat gin ken ken goille ar halla halla hazot aibode rasta in beggun bafon.
- hodun haas maalumat kiyolla bair no goribode yanor waja okkol sinno gori rakon.
- ham yanor moksud loi mil raki bair gora giyede maalumat hin kulehale beggunore ekkan zagat zoma goron mogor hamisha monot rakon ki boli hoile hamor akheri moksud oilde larai yato hadesat zohomi ode yato morede fotti ugga mainshore sinon.
- hitarar maalumat okkolore fathaibolla sobse shundor gori ham gorede hendhilla torika okkolore sek gori son ar sinno gori rakon.
- ze elakat hitarar ham sole hey elakar zubanot hitarar maalumat ginore bair goribolla hamisha kushish goron.
- hitarar maalumat okkol loiyore ham gora foribode hendhilla dorhari manush okkolore shamel goribolla shomazottu hobora-hobor anon ar shomozot hobora-hobor zanai don yato modot goron, endhilla ham okkol goribolla bafa-sinta goron.
- ekkudhoilla ham arekkan no goribolla hitarar maalumat okkolore zeto fare heto beshi beshi gori shiyar goribolla kushish goron mogor hitara maalumator ze kulasa okkol dibo hin ze mamelat zeddur lage heddur dibolla faisala goron.